

pîne

SATOR ket OHALê... Aqûbet li serê me bel!

KOVARA QERFÎ Û WÊJYÎ



kovara qerfî û wêjeyî ya nîv mehî

16-31 agustos (gelawêj) 2000

Sayı: 20

500.000 TL


WE JI KU DERXIST
KU EM XEBATKARÊN
KURD NAXWAZIN YAW!!
EZ FINDIQÊN HEMWEJATIYAN
DADIWEŞÎNIM
LI VIR!!

* QEDEXEKIRINA LI SER KARKERÊN FINDEQAN ÊN KURD KU
BERIYA SÊ SALAN BI TAYINKIRINA KEMAL YAZICIOGLU
YA WALÎTIYA BAJARÊ ORDÛYÊ DEST PÊ KIRIBÛ, DIDOME.

XIS-XUS!

BISIMÎLA!
FIBÛ??

LA HAWLE



BÊNAN + ÇIŞEK

Rehetîname û Rehetîfiroş-II-

16) Latan biajon, galegalê bikin û heta beqan jî bixesînin. Çavê min, ji teorîfiroş û persfektîfiroşan çem û çem birevin, avê li ser xwe zelal bikin. (Heval sen sureci kavramamîşin!...Wey (Li min!...))

17) Li kaseta Diyar Kekili Presley zêde guhdarî nekin. (Alo Acil Servîs!... Dinya beredayî ye! Oxlim satanîm nêrde lan!...)

18) Ger hûn dixwazin xwe bikujin, li TRT 4'ê, Açıkoğretimê temase bikin!... (Kurê min biv!...)

19) Ji kerema xwe re, dema ne ji mecbûrî be, neçin 'Dewlet daîresi' û nekevin rêzê. (Ne diyon lan! Git yanî gel dedik! Kodummu, oturtturum.)

20) Hûn bi Xwedê dikin, ji şifêrên otobusên İETT'yê adresê yan jî tiştekî din nepirsin: Sîgortaya we heye? (Ne diyon lan! İn aşağı çabuk.)

21) Li otobusên ku diçin welêt zêde siwar nebin û ji muawîneh otobusê avê nexwazin. (Oxlijm burasi babayî malî mi? Gît suyunu kendin getir!)

22) Li marşan zêde guhdarî nekin! (Bimre aşî, bişî şer!...Kî ji piştavê xwe ye, bila were meydanê, ka kî berx e, kî beran e!...)

23) Ber neavêjin, ez qala Cahîr Merwan nakim!...

24) Li nûçeyên Medya TV'yê temase nekin, wê 'Sebra we bifûre!'

25) Pirtûkên Îmraliyê bixwînin. (Çavê min, we koka pirtûkan derxist!... Hûn distînin, lê bixwînin jî. Wekî din ji bilî wan, gelek pirtûkên din jî hene. Li gorî agahiyên dawîn, weşanxaneyan sîxur û ajan xistine nava Asrîn Hukukê, da ku berî hemû weşanxaneyan hînî pirtûkên Îmraliyê bibin.)

26) Biçin taîlê, lê tenê neçin 'Akdenîz û Egeyê'. Silêmanî, Mehabad, Qamişlo, Zaxo, Amediyê jî heye! (Ne xema we ye! Lewma di mêjyên we de welat parçeyek e!) Jixwe başûrî û rojhilatî, bi xêra 'Bo raştîni Ewropa' bakur dibînin, wekî din ne mimkun e!...

27) Kuro me dermanê rastî jî bîr dikir!... Li bernamê 'Dengê Çêran', na, 'Dengê Gel' temase bikin, wê bêhna we vebê!... Ji bo bêhtengiyê zêrê zêran e!... (Bîb...bîb...bîb...bîb...!)

28) Lê dil û gurçikên min, qet ji bernamê 'Çend Dîmen ji Kurdistanê' nemînin! Ne ji we be, wê mala Medya TV'yê bişewite, lewma ew 'Welatekî Nîgaşî' ye.

29) Ji telefona mesejan, na telefona destan oqyanûs bi oqyanûs birevin!... (Kontûr mîratno! Hinekî jî bi zarokên xwe şa bibin! Jixwe hevala/ê we dike bêje 'bi sê telaqê bêkontur' û dev ji we berde!...)

Ji bo ku hûn ji vî nexweşiyê xelas bibin, dest bi esrarê bikin, wekî din hûn jê xelas nabin!

30) Ji înternet û chatan dûr bikevin (Tu dibê qey hûn ketine silûkê, hûn ji ser chatan ranabin!... Ji ber evînen elektro-platonîk mala we xera bûye!... Jiyana we herimiye, bûye taristan!... Yanî we pê girîye. Ji emrê we re çar tirê keran maye! Ha silavên me li wan zeriyan bikin û bi şev televîzyona xwe zû bigirin!...)

31) Yanî xwarina zebes, vexwarina dew bêkêr e, ji bo rehetiyê!...

Hûn biçin bin siya dara gûzê jî beredayî ye. Van tiştan pêk bînin, wê sebra we pê were!... Hûn li dereke din nikarin peyda bikin!...

Li cem Loqman Hekîm an Doktor Nazîf jî peyda nabin!...

32) Dawiya dawîn, rastiya rastî, 'zarok' bin û xwe giran, kamil û cidî nekin! Rahêjin çeqel, derkevin nav rez û bostanan!... Li kolanê bestenî bixwin û hemû qewatan bişewitînin!... Bi-heftokan û kabokê bilîzin!...

Li 'Bûka Baranê' temase bikin û ji xêzefilman nemînin!... Zebes û petêx bê çetel bixwin û bi hûçikê xwe çilm û liqê xwe paqij bikin. Baş e, em zêde dirêj nekin, emê li ser vî mijarê nivîseke taybet binivîsin!... 'Dema ku zaroka di dilê te de mir, tu yê jî bimir!...'




TU GÎ KUQIKEKÎ XWEŞIKÎ EZÊ TE BİBİM MALÊ EZÊ DIYA XWE JÎ QANIH BIKIM



KU TU EVQASÎ XWEŞIK BÎ.. WÊ KÎ KARIBE NEHÊLE




JÎ BÎÛ DIYA WÎÎ!..



SALA SOR

KEMAL BÛRKAY LI HEMBERÎ PKK'Ê BÛ BERDEVKÊ KOMPLOYA NAVNETEWÊYÎ



ECEWÎT LI SER REDKIRINA KHK'Ê SEROKOMAR SEZER TEHDÎT KIR



"OZGUR RADYO" JI ALIYÊ RTUK'Ê VE DÎSA HATE GIRTIN



TEŞHÎRKIRINA ŞKENCEYÊ JÎ SÛC EI!.. RÊVEBERIYA GIRTÎGEHA BERGAMAYÊ LI HEMBERÎ GIRTÎYÊN KU WÊNENÊN ŞKENCEYÊ ŞANDIBÛN DERVE DOZ VEKIR




LI AGIRÎ, NAVÇEYA TAŞLIÇAYÊ, MEZELÊN GERÎLAYAN JI BO KU WERNEGERIN ZIYARETÊ, JI ALIYÊ DEWLETÊ VE HATE XERAKIRIN.



SERSARIYA DEWLETÊ LI HEMBERÎ ERDHEJZADEYAN DIDOME



LI WARGEHA DEMOKRASÎ Û AZADIYÊ AMERÎKAYÊ XORTEKÎ JI AQILÊ XWE KÊM HATE IDAMKIRIN



CIVATA LI BER DÎWÊR

Her roj, eger Xwedê li rûyê Ewropîyan binihêre, destên xwe bide ber derza ezmanê şîn û şiloke, baran ji erd û ezmên nebare, roj piçekî çavên xwe veke, germahiyê bide erdê, civata me li ber dîwaran e. Jixwe kurd di dîrokê de her dem li ber dîwaran mane, lê mijara me ne ew e.

Roj piştî Serokomarê Dînan, Zade-Batgî bêyî vexwendin hate serdana Medya Tv, em çend rojnamevan û serokê rojnamevanên xwedî sertîfîqeya sêwaxê birêz Cahîd Merwan li ber dîwarê pêgiha weleybolê li hev gihabûne hev. Her kesî tiştê digot û ji xwe re, bêyî guhdariya hevalên xwe ditewirand.

Her çiqasî rojnamevanên xwedî tir û qopana Batmanî û Diyarbekirî ku di dembûwerekê ber dîwar de amade bûn, niha li vir in, lê melaîketên wan hazir û nazir in, ez neweyîyan nakim, bi bêbextî tiştêkî li ser wan nabêjim. Xwedî wekîlxerc û abûqatê wan be, weke heyfê ezê bêjim. Eger hinêkî belandin di nava gotinên min de hebe bila li min biborin û herin û herin.

Îcar ez, kekê Mehmûd, lawikê Amedî Ezîzoglî, torinê Emê Gozê Mazhar, Maşo Mişmişzade ku hîna bêhna barûda Bêrûdê dikîşîne firmikên xwe, moderatorê benameya xweşmêrê Xoşavê, Zoom Necatî, torinê Miho Keleş Lokman û modaratorê Telegulê Çekdar ku berî çendêkê sînga wî ji wexma çemê hemberî avahiya televîzyonê hatibû seyandin û ji ber dergehê bihiştî vegeriya û hwd.

Axir, birêz Cahîd Merwan ku biqasî Şivan Perwer nebe jî, cîhan tev heyrana wî ye, ew jî heyrane xwe ye, -Faysal Çiyayî û Beran Bedran ne di nav de-, weke her carê, gotin ji kesî re nedihîşt û evîna xwe ya rojnameyêke magazin û xwerû kurdî dilorand. Cahîd digot: 'Di manşetê de, mirov bêje: "Genên Maradona û Pele dane xuyakirin ku kurd in."' Rojname wê 40 hezar bifiroşê û pê li spot û manşetan ket. Wê hingê Serokê Komara Dînan Zade Batgî, nîvcoyî milek ji yê xwe daxistibû, hate nav civatê.

Cahîd Merwan, berê xwe da Zade Batgî û got: "Mesela, di manşetê de "Kurdan bi teatroyê komarek saz kir." Wê hingê, 50 hezar wê li yek xurê bê firotin."

Wisa xuya dike ku serpêhatiya Ezîzoglî ku berî niha bi 17 salan çavîkên Bucakan ew şelandibûn, hate bîra Kekê Mehmûd, bi ken: "Di manşetê de mirov bêje: "Çavîkan rewsênbîrê kurd şelandin". Cahîd herdu lepên xwe li hev xistin û bi kenê hesenî: "Wê hingê hejmara firotina rojnameyê hema derkeve 100 hezarî."

Zade Batgî, di ber xwe de: "Biçirê, caw cawê te ye." Xwedê kir ku Zoom Necatî hat û xwe bi ser her tiştî de dakir. Nexwe, Cahîd gotinên Zade Batgî fêhm bikira, belçîkiyan tev wê nikarîbûna wî ji nav lepên wî xelas bikirana. Zoom Necatî, hat û hat li ber min rawestiya û got: "Em biçin li trimbêla min binêrin. Xaza wê baş naxebite."

Fîşîna boxeyekî Espanyolî bi Cahîd Merwan ket û herdu destên xwe ber bi ezmên ve hilda, bêyî bixaxî û hêrsa xwe bi gotinên li hev badayî bîne zimên, ber bi dergehê hêwana xwarinê lûlikand. Li devê dergehê rawestiya, berê xwe da me û bi dengê bilind: "Pêwîst e genê kurdan tev werin guhertin, da ademî û demokrat bibin."

Kekê Mehmûd: "Jixwe ku ev gotin bibe manşet..." Ezîzoglî gotin ji devê wî girt û got: "Wê hingê rojnameyek nayê firotin."

ÊZING

Çarçaf
MUMCU



AAX!! MIN
DI DIVA TE
KIRA!!
QÎZA
QEHPIKÊ!!

KIŞ E KU ME
MÊZÊN JÎ ACIZ,
KIRIYE.. ÊDÎ DIVÊ
EZ HINEKÎ KÎLO
BIDIM. WÊ SIBE
DU SIBÊ MÊRÊ
MIN JÎ BIZÎRE
DI BIN MIN DE.



QELÎ TEMAFEVANÊN
HÊJÂ ME JI WE RE NÛÇEYÊN
DÂWÎ PÊSKÊŞ KIR.. HETÂ
NÛÇEYÊ SIBEHÊ LI BENDÂ
ME BIN.

CNN.. GUNDÊ REŞO
EVDIRAHÎM
EVARBAŞ!!



HÊÊÊ!!
XÊRO BI XWE
DE MISTIYE
ERRRİK!!



KEKO JI LOQENTEYA
WE RE HOSTE LAZÎME
???

WELLE LORENTE JI
TE RE BIXEBITEJÎ EM
NIKARIN ZIKÊ TE
DAGIRIN. TU YÊ BERDÎ
MEROŞÊN ME TEY VALA
BIKÎ Û MIŞTERIYAN JÎ
BIRŞÎ BÎŞÎNÎ MA QEY
EZ EHMEQ IM. LI SER
ENIYA MIN EHMEQ DINÎF
VÎSE. NEXWÊ EZ BI
XWEŞÎ BÊJIM NA
BILA HÊRS NEBÊ...



KA PÊ DERXE BÊ
EZ KÎ ME??

TU KOR Î AN NA!!
MIN TIŞTEK FÊM
NEKIR. LÊ EZ VÊYA
BAŞ ZANIM KU TU
PÎÇE BERIYA BAVÊ
XWE YÎ...

KURO STENBOL
MERIV
WISA YERA
DIKE!!

JI DÎYA MIN ÇEND NIFIR



-MIN JI HEWARA XWEDÊ, TU LI
PÊ BÎ, GOŞTÊ TE LI ERDÊ BÎ!!

-LAW EZ JI XWEDAYÊ JORÎN HÊVÎ
DIKIM KU TU DERKEVÎ DERVE
QEMYON LI TE BIQELIBE, TERMÊ
TE BÎNIN BER DERÎ Û PERÇEYÊ TE
YÊ MEZIN JÎ GUHÊ TE BIMÎNE!!

-EŞO LAWO, TU XÊRÊ JI
CIWANIYA XWE NEBÎNÎ!!



HESEN KA TU
BÊJÎ..
ŞERÊ CÎHANÊ
YE YEKEMÎN KENGÎ
DESTPEKIR
???

GAVA DÎVA TE
ASÊ Û KURÊ AXÊ
FESO DI KADÎNÊ
DE BI HEY ŞA
BÛN!! EZ ÇI
ZANIM LAW!!
EZ BOZO ME
HA!! EZ XWÎNÊ
JI QÛNA MERV
DIKÎŞÎNIM
HA!!



GURÎ

"Birayên" me, dest danîne ser her tiştên me. Çi xisletên me yên qenc hebin dikin ên xwe. Dansên me, muzîka me, çanda me. Nikarin kurtêlek nan bidin, dibêjin em mêvanperwer in. Ji siya xwe ditirsin, dibêjin em mêrxas in. Dansên wan bêruh, çayçir du kevçiyên darînî ye. Radibin dibêjin kurd bê ziman û bê bingeh in. Ango "Gurîka navê min li te, kumê min li serê te". Di pêkenînên xwe de, di nivîsarên edebî de, di karîkatûran de kurdan bêhiş, hesûd, zikreş, lal, bêkêr nîşan didin.

Vêya ew qasî li ser hev dubare dikin ku, êdî kurd bi xwe jî bawer dikin. Bi kurdan dane qebûlkin ku, kurd wê tu carî nebe mirov. Êdî kurd li ser nemiroviya xwe 'darb-i mesel'an diafirînin.

Di şevbuhêrkan de kurd, wekî kes û kesayetî pesnê xwe didin. Belê mîna gel û netew xwe biçûk dikin. Ruhiyeta neteweyî hatiye şikenandin. Li ser çavnebariyê çîrokeke wiha tê gotin.

Kurdê xizan rabûye ji Xwedê re due kiriye. Gotiye "Xwedê!" Xwedê gotiye "Bêje. Belê qenc bifikire, ez çi bidime te, du qatê wê jî, ji cîranê te re." Mêrik çûye malê, bi vir de daye nebûye, bi wê de daye nebûye. Xew lê herimiye. Malekê bixwaze, wê yê cîran du mal bin; kîsek zêr bixwaze, wê yê cîran du kîs bin. Destê sibê, bi şevqê re, bêxew çûye ba Xwedê. Gotiye, "Xwedê", Xwedê gotiye "Lebê". Gotiye "min biryar da". Xwedê gotiye "Tu qenc fikirî?" Gotiye "belê". Xwedê gotiye, "bixwaze". Mêrik gotiye "Xwedê ez dixwazim ku tu çavê min ê rastê birjînî..."

Di çîrokê de tîpa kurd, ji bo herdu çavên cîranê wî birije, çavekî xwe feda dike. Em werin ser rastiya jiyane. "Birayên me", bendavan li ser çemên Kizilirmak, Sakarya û Menderesê ava nakin. Hebe tunebe Ferat û Dîjle.

Bendav, hêjayiyên dîrokî yên şaristaniya kurdan binav dike, me ji dîroka me diqetîne. Bi wendakirina dîrokî çavekî xwe dirjînin. Belê yên kurdan du çav. Di rastiye de ew, di çîrokan de em çavnebar in.

Gurî navê xwe li me kiriye.

KEREM KE!

ERTÜG SONMEZ



LOZIN



Haydar IŞIK

ÇİMÊ FERMANDARANÊ ALMANAN

Çimî estê zengê (şîn), çimî estê keskê, çimî estê şayî (şiya) û çimî estê vînenê û heveyê (tayê) jî estê korê. Iyê ke nêvînenê, yanê seqetê înan rê qîseya min çîna. Qusirê înan niyo. Rengê dinya, tîj û sond besenêkenê ke bivîne. Feqîrê însanê niyanenî (winayinî). La belê însan ke çiman ra seqet bi, ya rind eşneno, yan jî hîsê ey zaf quwetin beno.




Ez bawera çimê siyasetkar û ferman-daranê Almanan o rast, kor o. Eve nê çiman nêvînenê. Nika mi vat, eke çimê yewî ke seqet bi, goş eşneno, hîsê ey beno quwetin. La belê Almanya de wina niyo. Çimo rast seqet o, hîsê înan jî sifir û goş jî ker o. Eve yew çim, çimê çep a niyadanê (ewnenê) û tenya fikrê çep, merdimê çep û komê kurd vînenê. Coka mileta kurdan dişmen vînenê.

Faşîstê Almanan milet qir kenê, keyanê tirkan û kurdan veşnenê danê karkeranê ecnebûra, komê Afrîka rê kes qise nêvano. Dostê înan polîsê, dostê înan siyasetkar û dewlemendê. Eke însan pers bikero û vajo, mileta Alman 6 mîlyon Yahûdî qir kerdî, xebera şima bî, yan jî nêbî? Tayê kes nêvano ke, ya xebera ma biye. Ya vanê qebahat Yahûdîyan de bi, yan jî vanê na qîsa rast niya. Yanê qetflam xorê kenê kilif, zey cîrananê mayê Tirkîye. Iyê ke vanê qebahat Ermenyan de bi, yan jî mileta kurdan de bî. Yanê çimê tayê tirkan jî korê.

Elî Gazî, lajê Gazî Muhamedî yo û mardimêdo rindo. Dostê mileta xoyo. Zey tayê serokanê partîyanê kurdan, "Kurdê rind" niyo. Hetê mileta xo de ro, qîsanê birêz Serok Apo rind goşdar-neno. Roşnîkarî ya birêz Gazî esta, nete-wa mileta xo wazeno. Kurdê niyanên ra "kurdê xirab" vanê. Nika yew o niyanên beno dişmenê siyasetkaranê Almanan. Çimo ke vînenê birêz Gazî niyadeno. Telefonê ey, postê ey, keyeyê ey genê bin kontrol. Endî Elî Gazî ke se keno, şino kotî, kamiya qîsey keno, şond û şodir weşîya ey teqîp kenê. Zerya (dilê) ey çiqas erzeno, nabzê ey çiqas erzeno almanî eve rastiye zanê.

A roje polîsê taybetî kewtî keyeyê ey, kever şikit, penceney şikit, zaf zarar da Elî Gazî. Şima zonenê çira keyeyê (çeyeyê) ey saye kenê? Vanê topê havan keyeyê ey de estê. Peynî de çi dî. Koy mere ard dîna. Polîsê alman çiyê nêdî. La belê mesele zarar dayino. Verê çehar seran keverê (çever) min jî şikit 12 hezar mark zarar da min. Ez se vajî, hem çimkor û hem jî hîs çîno, însanetey ra tam biyê dûrî.

Xêzen Beredaki



ELETEWŞ

Sefer SELVİ



2005



MEMED DREWŞ

Burkay peynî de bi wayirê pişing

E-mail: drewsmemed@hotmail.com

Çimê şima roşnî, keyeyê şema şên bo. Burkay peynî de bi wayirê pişing. Êêê badê hendayê seran wayirê pişing biyayin hend rehet nêbi. Burkay qandê wayirê pişing biyayin xeylê zahmet werd. Xeylê ariq rişna. Partî jî ronê. Ancax, ancî jî nêşabi bibo wayirê pişing. Peynî de serdarane dewleta Almanya, raya wayirê pişing biyayin mûsnê Burkay.

Goreyê vatenan serdarane Almanya; Burkay ra wina vato: "Birêz Burkay to hetanî nika qandê wayirê pişing biyayin, xeylê çî kerd. Xeylê çî kerdina jî nêmendê, to porê (gijikê) xo kerd sipî. Ancî nêbi. To partî ronê. Ronayina partî ser a 25 serî ravêrd, feqet partî jî nêşa to bikiro wayirê pişing. Tabî mayê rind nêzanê, tiyê wazenê bibê wayirê pişinga senîn? Eke pişinga Wanî niya, ma şenê wastena to biyarê ca, feqet eke tiyê vanê îleh jî pişinga Wanî, lazim o ke ma verî cinawirê Wanî ra xeber bidê, feqet jew şertê mayê werdî esto. Tenya tiyê vajorînê (berdevk) kampanyaya ke ma vera PKK daya destpêkerdî bikirê".

Nê vatenanê serdarane Almanya ser, Burkay jî wina vato: "Wa min rê pişing bo bes o. Xora pişingê Wanî, pişingê weçînayeyê û wext o ke

TABLÊTÊN

KEKO DESTÊ MIN BERDIN.. EZÊ BIÇIM INTERNET KAFYÊ JÎ XWE RÊ CHÂT BIKIM.. JÎ RUYÊ WE KEÇIKJÎ DESTÊ MIN DIREVIN...

KURO TERE D PÊÇÎ AV BIÇIN H ÎTERN JÎ DES



iyenê teverê Wan û hewayê Wanî ra
wnê dûrî, derhel mirenê. Coka ferq nêkeno.
a pişing bo bes o. Şert o bîn lazim nêkeno
na vajê jî. Xora vajorîna kampanya wezîfeya
n a. Hetanî nika min hemû kapanyayan de ca
pt û iftira PKK ser çekerdin jî wezîfeya min a
kora maya min, ez coka arda dinya".

eynî de Burkey tekîffê serdaranê Almanya
pûl keno. Bedelê hend zehmetan û
pişyayin geno. Yaa hendayê zehmet û ariq
bedel beno?. Bêguman nêbeno.

Goreye vatenan qandê wayirê pişing biyayin,
vrbiyayinê Sekreterê NATO, Clinton,
Bröder, Blair, Simitis, Ecewit, (Demireli jî
saja serkewtin rîştta.) Celal Talabanî û Mesut
Zezanî ya Burkey rê Almanya de merasimê
tîmî virazyayo. Burkey merasimê teslîmî de
okê ke nameyê ci yê cord ravêrenê pêrin rê
as kerd o û vato; o yo na rindîna serokan xo
na nêkero û peyra jî silogana "Bijî jûwîna
keftîna qûwetanê vera PKK" çekerda.

Goreyê vatenan kêf kêfê Burkey o. O yo nika
o kotî pişing xoya piya beno û o yo hetanî
nd rojan jî tewrê programê Televoley bibo û
heqê wayirê pişing biyayin û wezîfeya xoya
wî ser temaşekaran xeberdar bikiro. Xora
Burkey senî ke bi wayirê pişing kamerayanê
Anadolu cayê kamerayanê Televole
pt û iyê peyê Burkey nêviradenê. Hinî
Burkey o; se (çiç) vano TRT yo verê vatenanê
darandê dewlet, ca dano vatenanê ey. Ajansa
Anadoluya jî verê vatenanê serdaranê dewlet
ta verê vatenanê Demireli jî) vatenanê ey
ena rojnaman û televîzyonan.

BEREDAYÎ

TU ÇAWA TOVÎ? EZ JI
BÊJIM ŞEY TANOKÊN ÇINÊ
TINE QÛNA QRALÊ ME. EM
PEYFÊ HLÎNÎN, TU DIBÊJÎ
ET Û KEG. LAWOO! NAMÛS
QÛ NAMÛS.. PÎÇ KURE
PÎÇA!..




WAZÎRÊN BAKUR

IMAM CICI



ZILITO



muratbatgi@hotmail.com


TU DIBÊJÎ QEY PARÎS E...

MURAD BATGÎ

ZILITO

rewşa wî rewşa kerê nêr e

Comel



camerfiraxsho@hotmail.com

Dema em cîyekî xweşik dibînin, em dibêjin qey Parîs e... Lê niha ev rewşa Parîsê guheriye. Ji ber destê kurdên me guheriye... Ma Kurd ewqas jîr û pehewan in ku ne Parîs, ne jî bajarekî din dikare li ber xwe bide. Kurdên me naxwazin gundên xwe bikine weke Parîsê, lewre ew li Parîsê weke ku li gundê xwe dijîn, jiyana xwe didomînin. Û niha dibêjin: 'Tu dibêjî qey Parîs gundê me ye...'

Di çarçoweya tûmeya şanoyê de, ev çend hefte ye em li Ewropayê ne. Ji ber vê yekê jî riya me bi Parîsê jî ket.

Hevalên me yên hêja û kurdên me yên welatparêz em li Parîsê gerandin. De mala mîrata Parîsê bişewite, ne serî heye, ne jî binî. (Wek xebat û gera hevalên me. Ne serî heye, ne jî binî!) Welatparêzên me yên ku li Parîsê dijîn ji dewleta Fransayê ne razî ne. Lewre dewleta Fransayê derfetên civakî nade van welatparêzên me. 'Naxwaze kurdên me yên ku li Parîsê dijîn, xwe bi pêş ve bibin.' Bêyî daxwaza hevalên me, dewleta Fransayê wan bi darê zorê fêrî zimanê Frensi û zimanên biyanî yên din dike. Yanî dewleta Fransayê bi darê zorê dixwaze zimanê 'tirkî' bi kurdên me bide jibîrkirin. (Çok ayip ediyor...)

Dewleta Fransayê bi darê zorê hevalên me li Eyfelê, Qesra Notherdamê, Shanzelzeyê û gelek cîyên Parîsê digerin. Ev ger ji bo kurdên me weke şkençeyê ye. Ji ber ku dema welatparêzên me li van deran bigerin zanin ku wê 'asimîle' bibin. Gelo ji bo ku hevalên me û welatparêzên me asimîle nebin, ji dewleta Fransayê çî daxwaz dikin ku daxwazên wan tu carî bi cî nayê?

Çî ne daxwazên hevalên me? Hevalên me û welatparêzên me dibêjin,

Parîs gundê bav û kalan e.

Tê de hene bi hezaran kuçe û kolan û meydan e...

Ev kuçe û kolan û meydan cîyê berx û miyan e...

Li dewleta Fransayê bê dîn û îman e...

Her avahiyek ava kirine tu dibêjî qey asîman e...

Her qesrek ava kirine tu dibêjî qey deşt û zozan e...

Lê mixabin ji bo berx û mîhên me cî nemane...

Em jî wisa bê dengê bilûrê û bê dengê berx û miyan, belengaz û perîşan mane...

Ey dewleta Fransayê!

Ji bo mî û berxên me cîî divêê...

Ji bo razanê kon û çadiir divêê...

Ji bo şuştinê şûnik û çem û kanîî divêê...

Ji bo şivanên me bilûr û eba û nanê hişk ê nav ebyê. Hinek toraaaq divêê...

Yanî qisadan hîsse...


Hadî gel koyûmûze gerî donelîm... Fadîme qaçmîş halay çekelîm...

Tu devê kîjan kurdî vedikî, evîn û hesreta welêt di serê çend mî û berxan de û di nav parçeyek nanê toraqê de maye... Hey mala we here mîratê û êdî venegere... Em dê hemû berx û mî û çem û kanî û şivanên kurd bişînin Ewropayê, bila îltîca bikin. Jixwe kurd nikarin werin welêt, qet nebe em hesretên kurdan bibine Ewropayê.

Tu kes dema behsa hesreta welêt dike, behsa şaristaniya Mezopotamyayê nake. Li gorî min jixwe di rastiya xwe de tu kes meraq jî nake. Evîn û hesreta welêt tiştekî din e, naskirin û fêmkirina medeniyet û şaristaniya cîhanê tiştekî din e.


Yanî ku Parîs ji kurdên me re bimîne, wê berx û miyên xwe derxin Eyfelê, wê şûnikên xwe bigirin û li Qesra Notherdamê cil û bergên xwe bişon, wê li Shanzelzeyê kon û çadîran vekin, wê mîrîtî û begîtiya xwe li qesrên Parîsê bidomînin. Lê em gundê xwe ji parîsiyan re bihêlin, Xwedê zane ku wê çî çê bikin û çî çê nekin...

Em nabêjin gundê xwe ji bîr bikin, lê zanibin ku ev şaristaniya heyî, ya hemû mirovahiyê ye. Yanî xwêdana we û xwarina we jî heye di nav vê şaristaniyê de. Hûn li hemû şaristaniyên cîhanê xwedî derkevin, wê demê wê şaristaniya Mezopotamyayê ji bo we bibe tiştekî biqîmet.. Nexwe hûn û berx û miyên xwe heta hetayê li çavên hev binêrin û heta hetayê li benda hev bimînin...



N E X W E Ş I K

Revhat Arslan



BERIYA WEXTEKE DIRÊJ
KOÇÎ VÎ BAJARÎ KIRIBÛ

DERVEYA WÎ TAYBETMENDIYA
BAJARÊ KU JÊ KOÇ KIRIBÛ BÛ LÊ
HUNDIRÊ WÎ BI VÎ BAJARÎ HATIBÛ
DAGIRTIN.

NEXWEŞIK BÛ,
DIZANÎBÛ, LÊ KÊFA
WÎ LI CÎ BÛ. LI TAXÊ
JI KEÇIKEKÊ PIR
XWEŞIK HEZ DIKIR.

DI DESTPÊKÊ DE DIFIKIRÎ
KU WÊ HEZKIRIN BI SER
KEVE. BIRYAR DA KU DILÊ
XWE JI KEÇIKEKÊ RE VEKE.
LÊ KEÇIKÊ...

KU SER ÇAVÊ WÎ
DÎT, TIRSIYA Û
REVIYA.

QASEKÊ JI DÛR Û QUNCIKAN VE LI
VÊ KEÇIKA XWEŞIK DINERÎ.
DIZANÎBÛ KU TARÎTÎ NEXWEŞBÛNA
WÎ VEDIŞÊRE.

BÊÇARE MABÛ.
GIRIYA. EWQASÎ
GIRIYA KU...

AXÎNA WÎ GIHÎŞT
HETA CIM XWEDÊ.

XWEDÊ
LI VÎ XORTÊ KU NEXWEŞIK
ÇÊKIRIBÛ HAT RAHMÊ Û
BAJAR DI TARIYÊ DE HIŞT.
XORT GELEKÎ DILXWEŞ BÛ Û
REVIYA KU KEÇIKÊ JI NÊZTIR VE
BIBÎNÊ.

JÎ DÛR VE
XUYA NEDIBÛ
KEÇIKA
XWEŞIK.
NÊZTIR BÛ.
LÊ NIHA JÎ
NEXWEŞIK BÛ.

FÊM KIR KU TARIYA KU
NEXWEŞIKBÛNA WÎ
VEDIŞART...

"XWEŞIKBÛNA" HEZ-
KIRIYA WÎ JÎ VEDIŞART



QONANS



xelas bû

Collage

Pencereya Peyvê



◆ EHMED HUSEYNÎ

1 -Di vê serdema ku êdî roj bi roj pirs û guftûgoyên balkêş û mezin bi xwe re tîne û di pêşveçûna xwe ya pîşeyî û teknolojî de, saw û metirsiyên rasteqînî li pê xwe dihêle, em dibînin ku pirs çanda neteweyî û awayên parastina zimanê dayikê û parastina kesayetiya dîrokî ya gelan hin ji pirsgirêkên rojane yên felsefeya rewşenbîrên vê serdemê ne.

2 -Yek ji wan alavên tirsnak (wek serencamek ji serencamên şoreşa nû ya mirovatîyê, ji boyî ragihandinê) ku bi giranî mijara vê guftûgoyê ye, televîzyon e.

3 -Çandên jîndar, zimanên zindî û kevnar in, şaristaniyên bejinbilind û rehdaçikyayî, gelên azad û serbixwe, digel sînor û al û leşker û dewlemendî û desthilatî û zanistên xwe, îro, li ber vê dîmena teze radiwestin û hewl didin ku çand û zimanê xwe ji pencên yekrengiya GERDÛNÎZMÊ biparêzin.

4 -Em dê bi ku de birevin?

Ji milekî ve êrîşa dijwar a proje û bename û planên zuhakirina hest û giyanên me, asimîlasyon.

Ji milê din ve jî, gerdûnîzma ku dê me û dagirkerên me bi heman agirî bişewitîne.

5 -De hûn jî, ey kurdên vê serdemê! Televîzyonên xwe bikine alavine rasteqînî bo hişmendî û hişyariya vî gelê ku ber bi nemanê ve diçe. De bila mebest û armanca we pêşvebirina zanî û têgihîştina mirovan be. Bila hewldana we ji boyî dewlemendkirina hişê kurd, bîra kurd û hizra civaka kurd û kûrkirin û rehdaçikandina hoker û regez û sîma û bingehên kesayetiya neteweya kurd be. Asoyên xelkê bo têgihîştina huner û wêjeya kurdan berfireh bikin û çêja xelkê şayik bikin, zimanê wan ber bi dilê wan ve rakîşin! Çemkên (mefhûmên) civatê bi serdemê re biguncînin û nirx û buhayiyên mirovane belav bikin û biçînin, ciwanîyê, spehîbûnê ragihînin!

6 -Xelkê hînî ramanên berfireh bikin, da ku raperîn û zimanê xwe, tore û wêje û dîrok û êş û xewna xwe himbêz bikin. Bi şeweyên zanistî, keleşor û mîrata kurdan veguhezînin nişên nû û di navbera me û pêşerojê de pirekê ava bikin da ku em bi ew e ber bi paşerojê ve biçin.

De hûn jî televîzyonên xwe û xwe(!) ji toza dîrokê dawesînin û li zimanê xwe xwedî derkevin, pêş ve bibin, gencîneyan ronî bikin, şîyan û hêza ku di rehên zimên de vesirtî mane, biteqînin.



De hûn jî beşdarî parastina çanda neteweyî ya gelê kurd bibin, netirsin! De hûn jî xwe ji kompleksên xwe rizgar bikin û ji hespê xelkê peya bibin û zaravayên kurdan nêzî hev bikin û (EZ)a neteweyî ya pîrozmend, ku diçilmise, ji ber zixtên dagirkeran û ji ber neçarî û bêhûdeyîya vê gerdûnîzmaya ku ber bi me ve tê, birevinin.

7 -De bila televîzyonên we jî nav di xwe bidin û simbêlên zersosinî yên serhişkiya çîyan ba bidin û di bernameyên xwe de li kesayetiya resen a kurdan bigerin. Bi awayê tirk û ereb û eceman nekin, ji xwe dest pê bikin û li xwe bigerin.

8 -De 'bi xêra xwe' me û temaşevanên xwe, ji bernameyên 'bişûndemayînê' yên dengbêjên bernamevan ku bi lawazî û nezanî feisefeya vê serdemê dadimezirînin, azad bikin.

9 -Têbiniyek

Televîzyona ku nikaribe rewşa civakî, siyasî, giyanî û dîrokî û kêra li ser qirika gelê kurd bibîne, dê nikaribe gotarek (xîtabek) rewşenbîrî jî biafirîne. Tunebûna gotara rewşenbîrî, alava ragihandinê zû bi zû pîr dike. Baca pîrbûnê jî, wek ku serdema me ya nû dest nîşan dike, giyana neteweyî ye.



nameci

nameci

Zindî - Zinde - Cunde

Wexto ke kovara Pîne kewno destê mi; siftinî macerayanê Rizo Dizoy, Bado îrpela Heşo Baqil, badoji, quncika (çenga) 'Lozin'e de meqaleya Haydar İşîkî wanena. Hemin ra jî keyfê de girdi cema.

Çengeyê Haydar İşîkî zaf rengîno. Qeleta xo rind tenik xebitneno û esprîyanê hewlon rezanê xo de peser - peser keno xo de xo zaf perso; "Haydar İşîkî nînon çituri û miş keno?" Çaye ke şekîl û sîfet ra Haydar hende esprîdar nêaseno. Qabiliyeto de hewlo.

Humara (amora) Pîne ya 19'in de meqaleya Haydar İşîkî: "Zindî" ser biye. Wexto ke mi meqale wend birêz İşîkî zaf hêrsin veyna.

Mesele no yo:

Heştê ra raver MEDYA TV de prorama 'Veroz' est bi. Guçê TV de "Zindî" nivîsno. Yew mordemêkî telefon kerd, "bira o zindî çiko? Zindî ebi, zîwanê ma niyo." Vat û gerêya. Qemero sebîrdarî waşt ke mordemek re salux bido, feqet tabat bi merik birîyo. "nê.." vano, zobino çiyê nêvano. Zîyar û diyarê ma sebir biderê Qemeri. Karê ey goşdaran dest xeyle xeyle çetino. Nika açerîme serê mevzu: "Zindî" Zazakî yo, yan jî niyo?

Ebi zanitîsê mi zindî zazakî niyo, kurmançîyo. Farîskî de vame'zinde'wexto ke însan vacero " ez hewt ser Stenbol de mamene /nîşena ro" O wext Farîskî vacino "heft sal est kî, men der İstanbul Zindeg; mî- konem". Wexto ke slogan eşt vat, "herbijî" ebi Farîskî vacino, "zinde bad"

Coşonê bînon de nêzana, feqet Dersim de "zindî" re vone "cunde" Persa de axiretiye eşta, vanê, " merdey zafê, yo cundey?" Wexto ke ju min ra miçî kerd, vanê, "no.. merde û cundene to" Henen taxmîn kena ke "can" vuriyo, biyo "cun" can -cun, cande- cunde, candeg - cundeg zeb.. Na çekuyê (vaje, nuxde) kewto zîwanê Tirkîna ke; ê "can - canli" vanê.

Verde ra, wexto ke programê zazakî est bi guçê TV de "Desinde" amene nivîskerdis. Feqet o wext palunijan û tayanê bînan geriyay û vat ke, " bira in (no) Desinde çiko?"

Goreyê fikirê mi çekuya "Desinde" pozisyonê neçîlkerdiso, teze teze ebi xo dest dayîşo yanî, noçlen.. Arabkî vanê mobaşîr, İngilîzkî vane Live. Eke zazakî de bivaciyo "Desinde" mûneşîb kewno." Nika jî wazeno ke hetê şekîlî (ferm)ser meqoleyê ra tayê alincan binîşînî. Haydar İşîkî nivîsno;

"Wojime kimanckî baş qeseykeno" "Baş nêvacîno, rind, delal, hewl ..., vacîno.

"Zonê Ulusê zazaano", "ulus" niyo, şar, netew "....û her duşunce gereke serbest bivo" Lazim o ke her fikir serbest bibo.

"İşte niyanên zaf tehlikeliyê", tehlikeliyên, ebi tehlike:

Zîwanê netewî (şar) lazimo feqet; terefê bin ra lazimo ke lehçey bê şekîl mebe.

Murat Kit

AHMET NECTDET SEZER K.H.K QEBUL NEKIR



ZAROKNO! MÎRZE MIHEMED BI HAWARA WE VE HAT!

DÊ Û BAVÊN ZANA!..

Çîrok mamosteyê herî hêja û xwînşêrin e!

Zarokên xwe bi çîrokên kurdî razînin!

Tatîl bi çîrokan xweş û geş e!

ZAROKÊN NO Û NETEBAT!..

Guhê dê û bavên xwe qul bikin, pirtûka we derket!

Mîrze Mihemed zora Hîmen jî zora Pokemonan jî dibe!

WEŞANÊN WELAT

Ji belavkarên Azadiya Welat û Pîneyê bixwazin.

Tel: (0-212) 251 90 13, 251 79 37 - Fax: (0-212) 251 95 85



Welat derket



Li hem bayîyan e.

Kovara panzderojî (Onbeşgünlük Dergi)

■ Xwedî (İmtiyaz Sahibi) M. Nuri Karakoyun
■ Lijneya Weşanê (Yayın Kurulu):
Mazlûm Doğan, Doğan Güzel, İmran Ciel

■ Berpirsiyarê Karê Nivîsaran
■ (Yazı İşleri Müdürü) Abdurrahman Pekedis
■ Navîşan (Yönetim Yeri) İstiklal Cad. Ayhan
İşik sokak.19/1 Beyoğlu/ İstanbul

■ Tel: (212) 292 72 70
■ Fax: (212) 251 95 85
■ E-Mail: pinedank@hotmail.com

■ Kargerî (İdare) (212) 251 79 37
■ Çapxane: Aspaş Matbaacılık.
■ Yayın Koordinasyon
Ada Basın ve Yayıncılık San. Tic. Ltd.Şti.

■ Belavkîrin BİRYAY Dağıtım
■ Nûnergeh: Edene: (322) 351 42 78
■ İzzîr: (232) 446 19 50 Mersin: (324) 237 66 49



BEQ Ên destê sibê hatine dinyê



Hefteya ku bê hûnê tevî kokteylekê bibin û rastî hevalên xwe yên kevn bèn. Piştî serborî û bîranînan, dê mijar bê ser "pêvajoya dawîn". Hûnê li ser yekîtiyê aştiya kurdan pêşniyar û şîroveyan bikin û ji dîrokê jî hûnê minakan bidin. Lê belê bi dawîya şevê, bê biryar hûnê xatir ji hev bixwazin û heta kokteyleke din hûnê randevûyê bidin hev. (Oynama şikidim, şikidim...)

QUŞXANE Ên berî nîvro...



Pêşeroj di destê we de ye. (Li destê xwe nenihêrin ha...) Lê kompleksên beredayî dibin belaya serê we. Projeyên we, mîna Şaredariya Sêrtê, ketine ser hev, lê tu hewlêdanê we tune ne. Hûn wekî dapîra min, tiştên bas dibêjin û mirovan dixin nav heyecanê, lê belê ji berê jî hûn kefenê xwe amade dikin.

MOZ Ên piştî dana pez




Hûnê dil berdine yekî. Evîna we, wekî eşqa Mem û Zînê, dê li çamîkarê gundan deng vede. Dû re dê "Bekoyek" bikeve navbera we û hûnê ji hev veqetin. Hûnê jî biqêherin û hestên xwe birjînin ser dîwêr û kaxizan. Bêhemdî hûnê bibin helbestvaneke navdar. Helbestên we dê di kovar û rojnameyan de biweşin. (Tu bûyî baqek helbest, ey keçika fîrdews!!!)

CAŞIK Ên ber êvarê...



Kuro/Keçê, guhê xwe bas bide mel!.. Tu çima dilê diya xwe dihêlî? Wê neh mehan te di zikê xwe de, tevî pihên tu, xwedî nekîr? Heta deh salan şîr neda te? Nexwar û venexwar heqê dibistana tu neda? Keziyên xwe nekîr melkes û te pê neda xwendin? Lê dîsa jî tu nebûyî gûyek. Niha tu hînî sê çar peyvên gilover bûyî û jê re qala "Nihîlîzmê" dikî.

ZIRNE Ên nivê şevê...



Hevala hêja, me bihîst ku, we dev ji rexneyan berdaye û "Komîsyona Zimanê Kurdî" ava kiriye û hûn êdî perwerdeya wê dikin. Ma piştî vê helwestê em êdî diwêrin tiştêkî bibêjin? Bila xebera we jê hebe. Bêhemdî be jî hûn ketin dîrokê, helwesta we ji pêşerojê re çirûskek e... (Bijî biryara we!!!)

HUDHUK Ên heft mehî hatine...



Ey hevalên ku hatine şelandin, ev remil ji bo we ye!.. Me bihîst ku van rojan diz dikevin malên we û zêr û bazinên we didizin. Hûn bi şev nobetê digirin, çêr û nîfiran dikin û niyeta we, hûn herin cem M. Selîm (Şaredarê Sêrtê) û jê re nivîstekê çêkin. Serê xwe neêşinin. Li dora xwe binihêrin, yê ku amadekariya "leşkeriya bi peretî" dike, stûyê wî bigirin.

GENA SIYASETMEDARAN DIYAR BÛ.

(Kundirpress/taybet) Piştî ku Projekt Genom diyar bû, endezeyarên genetîkê encamên lêkolînên li ser laşê kurdan jî diyar kirin. Li gorî lêkolînên ku li ser xwîna siyasetmedarên kurd hatine kirin, diyar bûye ku di xwîna gelek siyasetmedarên kurd de vîrûsa birakujî, hesûdî, dexesî û gelek cûreyên nexweşiyên din hatine tesbîtîkirin.

Li gorî bijîşkan, ev vîrûs ji nan, av û pereyên dewletên dagirker û Ewropayê, derbasî xwîna siyasetmedaran dibe û careke din jî zû bi zû der-nakeve.

Vîrûs demekê dibe ku di xewê de bimîne. Lê carekê ku têkeve laşê kesekî/ê, ew kes êdî hew dikare jê bifilîte.

Li gorî pisporan, tenê çareyek heye, ku ew jî ava kaniyên Cudî ye.

Siyasetmedarên ku di xwîna wan de vîrûsa birakujî, hesûdî, dexesî û xayintiyê heye, divê çend salan biçin ser çiyayê Cudî û ji kaniyên wir avê vexwin û ji giyayên vî çiyayî melheman çê bikin û deynin ser dil û çavên xwe. Piştî demekê wê mikrobên di laşên wan de derkevin û derûniya wan li wan vegere.

Pisporan wekî tedbîr jî pêşniyar kir ku divê gelê kurd li hember siyasetmedarên ku nan û ava miletê xwe nexwaribin û venexwaribin hişyar be.

ELO CIMŞÎD (bernameya malbata we)

-Temaşevanên eletewş û seyrbelêş, em dîsa di Elo Cimşîdekê de bi hev re...

-Elo Hevalê Cimşîd rojbaş.

-Rojbaş temaşevan beg.

-Hevalê Cimşîd niha ez dixwazim bêjim dema ku ez destavê digrim...

-Hop hop ev der bernameya siyasî ye, çi eleqeya me bi destava te heye?

Belê temaşevanên têlmasa, niha ji Amedê Ebûzîtin Zeytûnzade li ser xeta me ye.

-Hevalê Cimşîd hûn çawa ne? Ez pir heyecanlî me, min îsev xewnek dît ku ez çûbûm ser hîvê, gelo ev çi îş e?

-Belê, wê hevalên me yên rejiyê xewna we şîrove bikin, niha jî ji Bazîdê Tombîş Çavşîş li ser xetê ye, belê Tombîşxan...

-Sayin Cimşîd beg, gelo bi tirkî ez karim xwe îfade etmîş bikim?

-Sayin seyircîmiz ev bernameyeke xwerû bi kurdî ye, olmez. Em we bi Sêla Sor ve girê didin. Belê temaşevanên evdilezîz û lezîz me ev car jî qedand. Heta bernameyeke din Xwedê mezin e.

Îlan

-Ez li tiştêkî nagerim.

Cahîd Merwan, Bernameya Sêla Sor

-Ez li babaegîdekî digirim ku kovara Pîneyê bigihîjîne min.

Faysal Dagli, Kundir

-Em li şaristanîyên kevn digerin ku li ser wan bernameyan çêbikin.

Nîlgün Yildiz, Bernameya Şaristanîyên Mezopotamyayê.

-Ez li kesekî digirim ku pê re têkevim polemîkê.

Yaşar Kaya, Rojnameya Ozgur Politika

-Ez nexweş im gewrê, were ser min...

Mehmûd Baksî.

-Em li benda Godot in...

Kesên ehmeq

-Ez li pereyan digirim ku meaşê karmendan bidim.

Celal Telebanî, Hikûmeta Soran

-Ez li karmendan digirim ku meaş bidim wan.

Mesûd Berzanî, Hikûmeta Behdînan

-Ez li karîkatorîstan digirim ku bi min yariyan bikin, **Süleyman Demirel**

-Serokê Şaredariya Amedê Feridûn Çelîk, di bin banê şaredariyê de qursên fêrbûna xwendin û nivîsandina zimanê tirkî vekirin. Çelîk got: *Nahêlin em bi zimanê xwe biaxivin, emê jî ji bo wan protesto bikin, bi zimanê komara tirkî biaxivin.*

Gelê Amedê li ser vê biryarê got: *Her bijî pêhlewane neteweya kurd serok Feridûn! Bila çiyayê demawend û zalimên weke Dehaq egîdan bibînin!*

-Şaredariya Batmanê navê kolanên bajarê xwe guhert. Serok Evdila Akin di civîna meclîsa şaredariyê de got: *Her çiqas ber bi demokratîkbûnê ve gav nehatibe avêtin jî emê navê hin mezinên Komara Tirkî bidin kolanên bajarê xwe.*

Kundirpress ev gotinên Akin li laboratorîwarên Zanîngeha Oxfordê analîz kir û wateyek wisa derket holê: *Bi zorê çûk li kevirê me ketiye. An emê serokatîyê bikin an jî emê dîsa di yazîxana parêzgeriyê de betal betal li benda mîşterîyan bin. Ji ber vê yekê jî emê nava xwe û komarê xweş, ji gelê xwe re xizmeta baş bikin.*

-Yekitiya Niştîmanperwerên Kurdistan (YNK) jî ber ku li ser Mam Celal nûçeyan diweşîne rojnameya fûltonom Kundir protesto kir. Berdevkên YNK'ê serî li Pîneyê da û gotin: *Kundir çima bela xwe di Mam Celal de dide. Herkes dizane ku Mam Celal bejinzirav e û ne hûrlîlî ye. Her wiha jina Mam Celal li wî nade, Mam Celal elokan naxwe, ji bo pereyên deriyê Xelîl Brahîm bi PDK'ê re şer nake. Soz û qozên wî yek in, diçe Kîjan deverê gotinekê dike. Mam Celal bavê me ye. Niha li herêma me rewş zor çak e.*

Kundir jî got: *Bila dîrok nefetise, Mam Celal bijî!*

'Biraquji' ya Faysal Dagli û 'Her Kûs Kendî Surusuyê Uçar' a Mehmûd Baksî ji bo Soranî hatin wergerandin. Herdu pirtûk jî ji aliyê Daban Hamewendî ve hatin wergerandin û di nav weşanên Kurdistan Ewro de derketin.

NÛÇIK



KOMA ERMENÎ YA ÇIYAYÎ XWEST KU LI ÇIYAYÊ AGIRIYÊ "HILKIŞINA JI BO DOSTANIYÊ"
PÊK BÎNIN, JI BER HINCETA KU "NIYETA WAN FÊM NEBÛYE" DESTÛR NEHATE DAYIN.

HILKIŞINA
JI BO DOSTANIYÊ
Û ÇAWA!..
BI YA ME HÛNQET
DOST NAXUYIN
...

